

太原府志卷三十七

孝義

惟皇降衷厥有恒性孝義二者居天下之大端矣縉紳之家稱先則古固宜發名成業模楷人倫至若閭巷小民名不掛於通人身未登於朝右而至性適合經常幽貞可懸日月所謂匹夫慕義何處不勉發潛德之光是

在載筆者加之意焉耳我國家敦崇實行忠孝節義各有專祠所以牖世覺民者備至太原爲唐虞舊俗沐化最深凡有履孝秉義克踐恒性者亟搜採而筆之以爲風俗勸志孝義

漢

溫壽序長子爲鄒平侯相序先賜葬洛陽城傍壽夢父告

太原府志

卷三十七 孝義

一

曰久客思鄉里壽卽棄官上書乞序骸骨歸葬帝許之乃扶喪反舊塋焉

宋

王寬元謨次子泰始初爲隨郡太守逢四方反元謨在建鄴寬棄郡歸以母在四爲賊所執請西行遂襲被隨郡收其母事平明帝嘉之使圖寬形以上

王文和鎮北大將軍仲德兄孫也景和中爲義陽王景征北府主簿景於彭城奔魏部曲皆散文和獨隨至界上景謂之曰人皆去卿有老母何不返邪乃去齊永明中歷青冀兗益四州刺史平北將軍

南齊

孫淡太原人居長沙母疾淡廢眠食以差爲期母哀之後

有疾不使知也豫章王領湘州辟驃騎行參軍建元二年蠲租稅表門閭

陳

王知元太原人僑於會稽郟縣居家以孝聞及丁父憂哀毀而卒高祖嘉之詔改其所居清苦里爲孝家里

北魏

王寶興寧南將軍慧龍子少孤事母崔至孝尙書盧遐後妻寶興從母也緣坐沒官賜度河鎮高車滑骨寶興盡賣貨產自出塞贖之以歸州辟治中從事別駕舉秀才皆不就閉門不交人事襲爵長社侯龍驤將軍子瓊王元遜思政長子從父守潁川城陷遇害

隋

太原府志

卷三十七

孝義

二

韓子誕文水人親歿負土築墳居喪盡禮詔旌其孝及卒視其脊骨皆毀大業末表其門閭唐貞觀中蠲其賦役郭世儁字宏父一作郭儁文水人七世同居其家犬豕同乳烏雀同巢人以爲義感事聞文帝遣平昌公宇文弼獎勞旌門賜表

唐

武宏度文水人補相州司兵參軍永徽中父卒自徐州被髮徒跣趨喪所負土築塋晨夕號日一溢米素芝產廬前狸擾其旁下詔褒美旌其門

溫振并州祁人彥博子歷太子舍人居喪以毀卒

孫楚金道源族孫有至行年十七與兄越石皆舉進士州欲獨薦楚金固辭請俱罷都督李勣嘆曰士求才行者

也既能讓何嫌皆取乎乃並薦之累進刑部侍郎儀鳳  
初彗見東井上疏陳得失高宗納之賜絹二百段武后  
時歷秋官尚書爵南陽侯居官有清槩爲酷吏所搆貶  
死嶺表

狄光遠仁傑子傑爲來俊臣誣搆下獄以帛書置褚衣中  
付家光遠得書上變武后乃召見仁傑於是同時被誣  
者七族皆貸

王燾珪孫性至孝爲徐州司馬母有疾躬奉湯劑彌年不  
廢數從高醫遊遂窮其術因著外臺秘要討繹精明世  
寶焉歷給事中鄴郡太守治聞於時

王砮珪元孫官評事於杜甫爲再從表姪甫有送重表姪  
王砮評事使南海詩曰吾客左馮翊爾家同遁逃爭奪

太原府志

卷三十七 孝義

三

至徒步塊獨委蓬蒿逗遛熱爾腸十里却呼號自下所  
騎馬右持腰間刀左牽紫遊韁飛走使我高苟活到今  
日寸心銘佩牢則砮之所爲亦可謂義矣

王士昊太原府市人馮秀誠榆次縣農人皆以割股救母  
疾見節度使合狐楚奏狀

盧遺仁王知道皆太原人前後以事親居喪著至行天子  
旌表門閭賜粟帛州縣存問復賦稅見唐書孝友傳叙

後唐

張郎太原人叔父憲爲莊宗魏博推官王師與梁戰不利  
憲奔馬北渡梁軍急追殆將不濟至晚渡河人多陷冰  
而沒憲與郎履冰而行將及岸冰陷郎號泣以馬垂引  
之憲曰吾兒去矣勿使俱陷郎曰忍觀季父如此俱死

無恨即偃冰引垂憲躍身而出是夜莊宗合於軍中求  
憲或曰與王緘俱沒矣莊宗垂淚求尸數日聞其免也  
遣使慰勞

宋

劉孝忠太原人母病經三年割股肉斷左乳以食母母病  
心痛劇燃火掌中代母受痛及母卒爲傭富家得錢以  
葬富家知其孝養爲已子後養父失明忠舐之復能視  
太祖征太原召見慰諭

閻榮榆次人侗儻有志畧劉繼元欲召至帳下辭以母老  
不就子守恭生而奇偉榮曰此兒當事太平天子無復  
恨矣後十七年劉氏平守恭仕至德州刺史并代路兵  
馬鈐轄

太原府志

卷三十七

孝義

四

張橫太原人靖康末糾義衆二千往來嵐州憲州間五年  
九月禦敵於憲州勝之

薛傲榆次人從其父客汴父歿雷汴宣和靖康間金人南  
侵朝廷將割三鎮傲感憤上狀政府言國家有三鎮猶  
室有垣墉人有股肱也安有自去其股肱垣墉而尚能  
存全者哉又切詆執政誤國徐處仁李邦彥等大怒逐  
之去之河東又入陝金人侵陝傲以策干王庶庶不用  
乃結陝子弟聚保延安山谷中金將婁室屢攻之傲築  
土寨甚堅不能拔益團鍊鄉勇衆至數萬會張浚之敗  
陝西五路盡沒傲知事不可成帥三千騎奔吳玠於蜀  
玠奏之朝授一官傲屢爲玠言入陝方畧時方議和悒  
悒不得志棄官入青城山不出見靖康忠義傳

金

王忠立岢嵐人妻亡不再娶結廬蘆芽山隱居終老  
元

溫義祁縣人五世同居長幼無私財家庭無間言至元丙  
子旌其門曰義門

李瓚祁縣人孝母宜家百口同爨曾獲盜相識遺布疋送  
出門家人叩姓名亦不告

姚相文水人捐立學田見邑志

明

程宗齊陽曲人性孝友親疾求以身代及卒悲悼廢食愛  
弟宗望誓不析居常置義塚及園畦三百以贍族人

白祥文水人父賁令長山以事連坐當刑祥請代臨刑神  
太原府志 卷三十七 孝義 五

色不變成祖嘉其孝父子俱免大宥天下時銜祥恩者  
繪像祀之

段廷用陽曲人奉孀母極孝母故日夜悲號既葬於墓側  
結茅屋枕苫飯蔬敝衣茹面歲饑盜不忍驚害種瓜麥

雙岐並蒂人以爲孝感云

周紳陽曲人事孀母姜圖刀圭以奉甘旨侍疾送終胥如  
禮結廬墓側盜賊相戒勿驚

程書陽曲人父宗齊母張氏朝夕奉養父中濕衣不解帶  
延八月竟不起哀毀骨立事母彌孝敬鄉評重之

朱慎鍛晉靖安王長子好讀書性至孝母妃盧氏疾危呼  
天割股求以身代及母愈因過勞成疾而卒

馬謨太原人父早逝事母器用飲食精潔或自斑舞合諸

婢觚角歌呼以悅親心日取廁褌躬自浣滌母登大耋  
祝天以已算益之及施濟無告哺育棄兒以祈母壽母  
卒葬畢以哀思亡

王英太原左衛人少孤育於祖母母病刲股以進尋愈登  
成化鄉試授滕縣令有惠政陞登州府通判

陳舉太原左衛人事養母至九旬孝思愈篤母卒廬墓三  
載舉時年已七十矣

趙定太原前衛人兄宥遘難警所居以助之一夕竊者入  
其室善言勸諭慮爲邏者所獲天明始遣去子登賢書  
段廷宴太原人貢生任撫寧令事親竭力居喪三年人莫  
覩其面

趙威晉太原人父爲諸生游學不歸威晉生未週歲及長  
太原府志

卷三十七 孝義

六

以不識父面爲恨言輒流涕遍詢僧道或告以在終南  
山卽日推小車覓之果得扶歸

趙洪遠太原人父瑄母張氏自受饑寒竭力奉養巡按趙  
飭所在給穀以示獎

程巖陽曲人孝事養母五十年如一日母亡所遺服飾分  
散兄弟喪祭之費已獨任之

陳天壽陽曲人事養母至孝宗黨某某貧病且死醫藥殮  
歛皆出其力又張珠夫婦遘疫人率畏避二子方脫襁  
褓携之以歸卒賴全活

趙復性榆次庠生以孝聞父卒號泣不食數隕絕及葬廬  
墓草衣糲食終喪不忍離族人毀其廬載歸後旌表

劉陽插部內侵時未週歲母棄之祖母王道聞啼聲挾陽

以歸王氏寡居四十餘年陽朝夕不離及歿圖形事之  
韓朝花太谷人家貧業推小車出外必計往還日備飲食  
費以供父母出告反面跪拜問安始終不二

程文宿太谷人樸實不知書母疾祝天以已算益之母卒  
哀毀骨立廬墓三年

賈謨太谷人家貧業染母年七十逐日力養得美食卽以  
奉母母悅乃安

孫昂交城人父歿廬墓羣鴉悉集朝去暮來嘗之蒲州渡  
黃河有老人同渡拽舟使獨後俄見前船覆溺昂得免

張浚明交城諸生事繼母撫羣從以孝友著

劉盈徐溝清源鄉人童年知孝居喪哀毀踰禮母蘇病危  
割臂肉以進

太原府志

卷三十七 孝義

七

劉秉寬清源人母病割股以進病卽愈一夕如聞母呼驚  
覺出戶屋梁隨折枕爲之碎弟秉暢悞傷人至死訟於  
官寬憫其無子代受刑其人二日復甦遂得釋

董玉常源人置義田百畝於堯城鎮建社學以育才人多  
高之

孟養氣文水人事繼母撫諸弟以孝友著

張鳳翔文水舉人孝事嚴父父歿號泣蔬食三年

李玟文水人王府典膳事嫠母惟謹母卒廬墓三年羣盜  
不忍驚

胡誥文水庠生親歿廬墓人皆呼爲孝子室

郭拖文水人性孝父廷詩好施與拖能繼之親疾禱神求  
代歿則號泣廬墓年老無子夢神語曰爾孝德格天當

錫爾子果舉嗣應鰲應泰孫鉉俱以文行名

鄭位文水諸生事繼母以孝聞同諸弟赴汾州試拾遺金悉歸失者性不喜飲鄉有忿爭率置酒解之家頗貧周給無倦色以子之僑貴三膺封

王在庭文水庠生事親以孝不入公門拾還遺金賑貧解紛又孟靈鳳增廣生崇禎末民饑盡出所儲分給鄉里全活甚衆

王景能祁縣人事孀母以孝聞孫天爵領鄉薦

渠永昌祁縣人性天醇樸孝友並著累賓鄉飲壽至九十  
九歲

閻紹芳祁縣人祖喪承重茹素三年

胡濂祁縣人性剛方尚氣節赴兄急難慷慨殺身

太原府志

卷三十七 孝義

八

李春茂嵐縣志作楊春茂孝事父母母歿事父尤謹有指某給粟以旌之

邱憲章嵐縣人力農好施敦孝弟父疾步禱恒獄不解衣者旬月母疾籲天求代母卒哀毀不離柩旁

常泰徐溝進士十歲能文性至孝父病嘗糞甘苦

溫和嵐縣歲貢祖早卒善事祖母張氏稱順孫父卒事嫡母梁生母田俱以孝稱

郭安興縣人有孝行前後廬墓六年有白鶴旋繞之異  
白好古興縣人親卒廬墓六年

胡玉琴興縣人父博娶關氏生尙默次娶甄氏生玉琴甄疾兄弟並事之惟謹及歿並廬墓側父歿琴復廬墓哭思成疾卒妻劉氏年少撫孤稱節孝



康玉潔興縣監生親死廬墓鄉人稱孝

邱鳳軒嵐縣人寇犯石州率眾禦之事聞拔入太學

韓子名興縣人祖母與母俱孀居竭力奉養祖母卒哀毀

骨立母卒廬墓三年

張聖大興縣人舉明經性至孝色養備至父卒哭之一夜  
鬚髮盡白

馮時亨興縣人父境為諸生早卒母康遭危疾思得鹿肉  
禱於城隍神剖股肉代之疾尋愈祀孝義祠

孫光勳興縣人歲旱輸賑奏得旌表子守訓年五十無子  
賈太原置一妾知為都司張某女張虧官帑八百金以  
女售人訓惻然傾囊償之不告姓名而去後舉二子

孫興太原人尚義好施邑舉鄉飲辭不赴

太原府志

卷三十七 孝義

九

朱景祥岢嵐人正統間蠲粟一千五百石賑荒勅建坊表

粟仲仁岢嵐人天順成化間蠲粟拯饑表給冠帶

董志山祁縣人行客遺金追還之不受謝

王璞和五世孫周急賑荒養姑撫妹人以為難屢賓鄉飲  
奉勅建坊

郝希敏祁縣人正統年捐粟千餘石賑荒有司奏聞旌表

杜宏付太谷人正統間捐賑一千五百石旌表

于敏榆次人正統間輸財助官賑濟旌義民

王朝冕興縣人母疾禱神代死及卒隨柩廬墓三年朝夕

哭奠有司賜米帛旌表

閻表陳立王文胥俱交城人正德時捐賑各二千石旌表  
金中夫一作天夫榆次人弱冠時父鼎罹危疾剖股和湯

以進疾遂瘳

白壘與縣人性至孝母病危焚香求代果愈縣令旌之  
常福交城庠生父歿廬墓日夜悲泣者三年萬歷間旌表  
呂誠交城人母死廬墓稱孝

韓友范岢嵐人崇正間知慶陽府時歲荒斗米銀三兩友  
范設法賑饑全活甚衆

馬瑞陽曲人富而好施間有婚喪輒爲周助插部內侵捐  
金給守城夫役常助修書院及城隍廟費千緡孫諫登  
進士又王光欽萬歷間捐修橋梁表給冠帶

張運通榆次人方七歲父御史養以劾權璫下獄運通入  
狂狴侍左右尋復具疏闕下請以身代士大夫胥驚異  
之御史在獄七年甲申賊出之於獄將甘心焉運通號

太原府志

卷三十七 孝義

十

泣祈免血淚迸流賊稱其孝釋御史後又以追餉解鎮  
安運通從之拾橡粟以自給行達商州猝遇虎虎遂巡  
去父歿喪葬無違禮事母尤篤邑令劉星嘗著孝子傳  
裴潤陽曲諸生居喪哀毀廬墓三年以子希度官贈奉政  
大夫通政司右叅議祀鄉賢

馮瓊陽曲貢士授定興訓導以孝友稱博學介行舉鄉飲  
妻卒不再娶

樊維藩陽曲諸生闖圍太原率丁夫守城捍禦甚力城陷  
被殺

楊方生陽曲人性慷慨尚節義闖寇之變二弟被執時方  
生居鄉急奔詣賊曰我楊氏冢子某有事當任於二弟  
無與賊釋其弟囚之凡兩月幾死後得脫

張治經齊榷俱監生張治度趙芳任三讓桑荷神州俊李  
聯捷王國昌李塾侯之翰齊人道寇獻瑜寇獻球寇永  
澆褚延文李塘李幹智大用褚延寬李登龍寇省身發  
身于瑄王建元孫承志董萬有李自登程雲步張辨齊  
文輝王度宏翟漢傑張鳳翔張運隆郝龍正俱庠生侯  
祥副榜郝應麟王輔國俱武舉闖賊陷榆次城俱守城  
死義

郝士林榆次人賊圍榆次士林率丁夫守城晝夜不倦城  
破被執命之跪士林向南而立脅之降曰吾三晉義士  
豈肯降若賊怒腰斬之

杜光輝太谷人貢生擢之于博覽羣書性喜吟咏闖賊陷  
城不屈投井死之

太原府志

卷三十七 孝義

十一

郭民翰太谷人家世業儒教授生徒凡忠孝節義之事必  
反復講論期共勉勵值闖賊陷城守陴者皆潰散獨挺  
鎗奮呼集衆拒賊力盡被執罵賊投井死

趙譔太谷人疎財好施闖賊陷城不屈遇害

李元芳太谷人賦性剛直闖賊之變被執罵不絕口與妻

貞氏同遇害

貞觀光太谷廩生賊陷城入宅正襟危坐衣冠不亂賊迫  
脅不屈投井死

尹就湯興縣人天性純篤道義自持嘗捐金以賙貧合邑  
感之祀鄉賢

孫世蕃興縣人慷慨多大畧明末邑大旱斗米千餘錢鄰  
邑販粟至者率爲土盜所劫蕃奮請陽和總制發兵平

盜販粟踵至一邑獲全

馬雲駟祁縣舉人有異才性慷慨賑貧周急遠邇倚賴他鄉之困於窮途者嘗贈至數百金

馬雲駿祁縣監生張雲翼祁縣庠生俱以孝友著

楊鐵太谷人輕財好義闖寇之變鐵招逃亡男婦五百餘人藏樓中出粟食之

孟之晉太谷武舉性至孝闖賊破城母張氏投井死晉亦投井賊曳出索金拷掠不屈痛母死非命哀毀骨立

霍夢蘭榆次人順德府同知俊士子也闖賊入晉執令出家財助軍無以償夢蘭代父身受拷掠無完膚旋繫俊

士夢蘭併妻子西行夢蘭隨父母慘遭險毒賴僞吏周國明保護得無恙釋歸當俊士被繫而西也其妻死賊

太原府志

卷三十七 孝義

十一

中乃藁葬焉夢蘭既奉父歸復往陝收母骸以歸父卒合窆於墓

國朝

潘一桂陽曲人嚮飯事親父性好飲夜歸輒醉桂執燭候門扶之終身不倦父歿廬墓人稱潘孝子

賈士楚陽曲人八歲喪母事父承顏順志父繼娶李氏未數年父故事祖母馮曲盡歡心事繼母問寢視膳親嘗湯藥無異所生馮氏壽八十有六李氏壽八十有一葬祭胥盡禮盡哀孺慕之誠歷數十年如一日乾隆四年旌表

李華齡字嶽生陽曲廩生事親孝父珪病延醫用珍餌父止之華齡典衣物購參苓暗置藥中父服之寢愈

馬電太原人補博士弟子性仁厚好周人急施粟施藥施  
樽終其身里人劉養病篤以所積四十金托電後五年  
養妻蘄他適訟於官電曰是固有之弟劉養遺言俟其  
子婚娶乃給還今子未十歲若何縣令黃曰弟與之電  
卽手四十金還養妻又出四十金曰此五年子錢也黃  
躍然起曰義士義士蓋電所爲類若此

劉玘臣太原人父病噎百計求愈或以剗股可療從之病  
果愈

冀孔增太原諸生舉優行秉性孝友父歿朝夕思慕繼母  
患臆晝夜扶持弟病跋涉京師延訪名醫門內雍和無  
詬諄語里中稱道勿衰

康德威大原人居心謹厚非分不爲家貧鬻飯有行客主  
太原府志

卷三十七 孝義

十三

其家遺金一囊德威檢收默俟之明日客急遽來覓問  
其數相符挈還之邑合旌其門

馬勇烈太原人秉性仁孝父患癱臥床七年日侍湯藥毫  
無倦容及卒哀毀幾絕旣葬盡禮里族咸稱其孝

王康太原舉人幼性誠篤笑言不苟師事長兄終身執弟  
子禮繼胞伯嗣昌後事之如生父父病三年日侍湯藥  
暑不解衣鄉里賢之

武珍太原人性純孝幼失怙家貧傭工以奉母怡怡色養  
終身勿衰母病數年醫禱備至病愈年九十餘

牛登瀛太原庠生慷慨好施村東南有古道甚隘瀛捨宅  
地闢坦途行人便之

楊文學太原國學生素稱長者因登瀛闢地尙狹復捨已

地廣而長之以成其美邑令吳勒石紀二人之事

周昌運榆次人明御史缺之後早孤育於祖母及長事祖母甚孝貿易京師忽心動曰祖母得母有疾乎遽歸果病篤同妻王氏禱於天以身代疾遂愈後祖母卒廬墓三年乾隆初旌表

寇鳳鳴榆次人家貧父靖好飲食鳳鳴傭工每日得百錢置父枕下以養親志終靖之世無間也

張星煜榆次儒家子竭力事父母母侯氏多病星煜刺指血書佛經祈求母壽母病果愈

李元顯太谷人少孤事母至孝母病侍湯藥親嘗而後進及卒哀毀骨立茹蔬三年

侯憲太谷歲貢事親孝敬好施嘗分財賑人鄉黨稱之

太原府志

卷三十七 孝義

十四

趙福太谷人性至孝父臥病親調藥餌憂形於色父性不喜紛華臨終教以勤儉治家終身克遵父訓及父歿事繼母一如事父鄉里稱之

牛志遴太谷廩生早孤事母至孝母病親嘗湯藥半載不解衣帶不茹葷嘗祝天願減已算以益親年有司旌表姜大謨太谷人家貧爲人傭計所得奉母甘旨母歿號泣踰年有司旌之

程鳳南太谷人業鹽兩淮捐餉增課力助軍需拯救災黎有司給額示獎

楊文德文命太谷人父染病臥床十二載二子藥必親嘗衣不解帶願減已算求神以代嘗服賈於外聞母病日行三百里以歸善事伯父母如其父母

馬繹祁縣國學生敦行好施歲饑易粟賑貧幼失怙事母惟謹母卒悲痛幾絕枕苫獨居者三年殯殮葬祭罔不盡禮

許釗祁縣舉人幼喪父常痛不逮養事母孝及母病狂飲食起居必躬必親二十餘年如一日

程師伊祁縣庠生克敦孝友母既葬每遇風雨必偕仲弟往哭於墓季弟尙幼撫育成立祖母病朝夕侍奉衣不解帶者兩年鄉黨稱之

程彥直祁縣人篤行勤學母卒悲號欲絕父買於陝星馳父所兩月而父亦卒扶柩歸里與母合葬盡禮盡哀遠近悅服

高爾秀祁縣人孝事繼母母病三年躬侍湯藥衣不解帶太原府志 卷三十七 孝義 十五

及卒哀毀骨立葬祭盡禮兄早逝撫養子女如已出學使旌其門

戴祚祥祁縣人兄弟五人祚祥其季也孝友性成遇諸兄急難慨然引爲已任常立書舍延師課里黨之貧不能讀者兩遇荒年出金粟以濟全活甚衆邑令朱舉爲鄉

介表其門 劉銳祁縣人起家勤儉不履公庭常施藥餌捐金創建橋梁

頡儁祁縣人濟困扶危救人之急嘗修葺學宮捐重貲竭力經營舉鄉飲介賓

程作賢祁縣人疎財仗義輸金倡修文昌閣歲荒捐米於公所煮飯以活人凡三閱月全活甚衆

盧應魁祁縣人力農敦詩禮事繼母能先意承志友愛兄弟睦隣恤乏里中之幼失父母無依者輒收養之

羅光瑒祁縣歲貢慷慨正直義之所在不避艱險鄉人重之

梁鐸祁縣庠生恬淡冲和行敦古處事繼母克孝性好施每歲出粟以濟貧乏屢建橋梁構茶亭不可殫記舉鄉飲

李讓生祁縣人少失怙孝事孀母勤苦成家而輕財仗義本自性成從伯叔兄弟貧而死者悉爲營葬宗黨賴以舉火者十數家

薛貴祁縣人父客關東久不歸貴弱冠欲尋父因母老家貧不能遠離及母卒飲泣東行背負招狀由燕山而北

太原府志

卷三十七 孝義

六

凡寧古塔烏拉墨爾根諸處無不遍歷幾及三載後至鉄嶺八寶山酷暑饑餓會風雷交作僵臥梵宇簷下山民進以水漿詢所自貴詳述以對寺內一道士側耳傾聽拄杖而出曰是吾子也相持大痛人以爲誠孝所感時乾隆十一年事也旣歸傭工奉養三年父歿與母合葬邑人戴彭年爲之傳

任慧祁縣人孝事繼母有弟四人皆繼母出備極友愛家徒壁立獨嘗艱辛撫育諸弟有成邑人稱其孝友

渠錫祁縣人少孤事母孝不苟取妻母卒衆爭其財錫禁妻勿取性儉勤樂施與其子永澍亦以孝聞

程珮公祁縣人幼失怙稍長克自樹立事孀母以孝聞友愛弱弟老而彌篤敬宗族恤貧乏人無間言



張正智祁縣人少失怙事母極孝兄亦早逝遺幼姪智與妻賀氏事寡嫂如母撫育遺姪恩愛彌篤

韓煜祁縣人幼喪父事母孝弟五人皆幼煜營生養母母卒與諸弟同爨無閒言又前母姊適陳氏貧苦無資迎養於家愛敬不懈

戴孜瑜祁縣庠生少孤母病常汲甘水於十里之外風雨靡間鄉里稱其孝以服事過勞早卒妻時氏守節以終頤翼祁縣人幼喪父事母誠謹童年入泮每詢父遺事必痛哭流涕母亡後逢雙親忌日尤悲號不能自已

閻成蘭祁縣人家貧傭工後行商歸化辛苦備嘗存心好義乾隆丁卯於井陘縣漢淮陰侯背水為陣處捐已貲命仲子監生需督工四載修大石橋十四墩車馬通行

太原府志

卷三十七 孝義

今橋頭碑記猶存臨終復畱遺義莊丁酉橋塊圯孫庠生安邦鳩工補修並建河神廟以護之總督周公元理額於廟曰博濟延庠

梁光祖祁縣廩貢善事繼母友愛幼弟睦族恤隣排難解紛一鄉悅服

馬普雲祁縣人慷慨尚義一門之中伯叔昆季靡不為之經理毋使缺乏庭內輯和人稱孝友

梁鉉祁縣人少孤育於伯兄及長事兄如父自奉儉約好施予為人排難解紛揮金不吝

錢承州祁縣人慷慨仁厚出粟賑饑建橋梁往來無病涉者

張進朝祁縣人父歿時二弟尚幼朝自奉節儉毫無私殖

尋三弟早世撫遺姪三人教養成立

戴需祁縣人好善樂施凡修建祠宇橋梁量力欣助尤善勸善規過里人欽之

頡煥章祁縣人性寡交介然自守厭繁華攜眷寓文邑西謁商山卜子廟見配殿田段二賢木主壞捐貲重雕創建神閣後值重修卜子廟復輸二百餘金適歲歉擇村中至貧者四十餘家月給米三斗所活甚衆

史開秀祁縣人生平敬老憐貧其妻梁氏連生七女因病勸夫納妾不允後買女爲夫妻秀收爲義女擇配後生三子讀書有成

康富祁縣人天性淳篤慷慨好施有閭姓者娶妻家貧不能度日爲分離計富聞之合焚離書日給薪米夫妻完

太原府志

卷三十七 孝義

十六

聚子福旺能繼先人志親族不能婚葬者給貲助之如倡修本鎮北門樓鎮河樓及開渠灌地人多利賴焉

高大智祁縣人慷慨好義遇人急難匍匐往救性至孝母寢疾三載朝夕侍奉以終母年生三子皆能繼父志

范爾寧祁縣人事繼母委曲承順從無間言弟爾靜父歿時生甫七月賴撫育以成後失明友愛尤篤爲之授室析居後弟有所欲悉讓焉

程履中祁縣人兄弟三人履居幼長兄早亡履以仲兄子嗣之仲任餘姚尉尋卒履移櫬回籍復爲償債千金又遺子女八人履爲之教養婚嫁先履無子五十餘忽生二子人皆以爲厚德之報云

武裕理祁縣庠生秉性剛直鄉人皆矜式焉兩弟婦早寡

理撫恤尤厚臨終戒子弟曰我死無他累惟兩妾婦守節可憫汝等其善遇之

張雪鳳徐溝人八歲失母淚盡繼之以血父為勸慰始飲食事父及繼母色養無違父病藥必躬親同臥起二十餘年

蘇曰祥徐溝人髫齡母歿哭甚哀日夜聲不絕事繼母盡孝父病衣不解帶二百日後父及繼母歿墓胥親築廬墓三年邑人將聞諸官祥力辭之順治十年縣令給額旌之

李瀛蕊徐溝人尚義好施嘗建洞渦河橋利行人又捐地構屋冬夏施茶粥

張繼仲徐溝清源鄉人父商於外年十六誓往尋之道出太原府志 卷三十七 孝義 九

關東遇猛虎以意默禱虎遂巡去明年得父歸鄉稱孝子

王兆龍清源鄉人有至性尚義俠父歿年甫十餘事生母羅氏庶母閻氏委曲承順厥後羅卒閻失明事之如生母康熙五十八年歲饑悉出家資以賑貧乏

張成德徐溝人尚義好施修橋平路 常思孔徐溝人孝友嫻睦終身樂善

陳我維徐溝人拯飢恤苦愛老憐貧 張克容徐溝人天性孝友父病二載餘延醫調治親奉藥餌日夜不離左右

蘇進業徐溝人事親至孝有司旌其門

張雲鳳徐溝人自幼事親孺慕承歡後因父衰老朝夕侍

奉不入內室者二十餘載父歿哀毀迫切終身不飲酒  
茹葷乾隆十年旌表

蘇陵徐溝人天性篤孝九歲失恃哀痛迫切宛如成人事  
繼母曲體親志不啻所生及卒居喪三年不入內室乾  
隆十年旌表

李陞鳳徐溝人二歲喪父及長痛父早亡未成喪禮懷恨  
終天家貧事祖父母甘旨不缺問寢視膳歷數十年如  
一日祖父母俱享年八十其後家饒裕以周恤爲事里  
中貧乏難於婚葬者恒沐其惠乾隆十二年旌表

董起龍徐溝人竭力事親父歿事寡母色養備至兼愛諸  
弟以慰親心年七十兄弟同居生平義不苟取而施予  
不吝甚有爲債所迫者龍代償之

太原府志

卷三十七

孝義

二十

呂弼姬徐溝人家貧親老服賈養親友愛兄弟教子義方  
家稍裕建合祠以祀先人族人咸被其教養

姚師閔徐溝人父早喪閔年十三家貧力田甘旨奉母藜  
藿自給母病衣不解帶者兩月及卒哀痛幾絕每逢忌  
日輒嗚咽墮淚弟病疫家人俱避閔獨同榻調護無倦  
邑令旌其門

劉鳳翥徐溝庠生孝友性成侍親藥必先嘗朝夕扶持衣  
不解帶善能曲體親心養生送死盡禮盡哀撫弟鳳翹  
成立

張興盛徐溝人作養貧寒士子倡修橋梁道路有司旌之  
張珽徐溝人樂善好施卹孤矜寡隣里親族多沐其惠  
邢邦彥清源鄉人都閻天培子天性純篤朝夕不離親側

隨任蜀中繼調征古滇邦彥隨之被鎗傷後父在金川陣亡邦彥殉之忠孝兩全

牛文友清源鄉人天性純厚篤於孝思事親曲盡子職逮母歿事繼母不異所生型方善俗舉鄉飲

牛明德清源鄉人髫齡侍父疾親調藥餌衣不解帶者月餘父歿盡禮盡哀事母益謹承顏順志年七十餘追念先人猶唏噓流涕

蘇恒清源鄉人三歲失怙事孀母奉養惟謹母病衣不解帶藥必先嘗生事葬祭盡禮盡哀雖年踰七十不忘孝思

王奠安清源鄉人郡庠生十歲母亡事繼母咸得歡心鄉人稱其孝

太原府志

卷三十七

孝義

三

羅聖詣羅純詣孟立王得璽清源鄉人俱以孝友著

楊漸達交城人好義俠埋骨掩骼者累載年八十預知死期沐浴端逝

任道遠交城農家子天性純孝定省合節父母安之母歿事繼母委曲承順若不知爲異母母亦雅愛逾已子縣令爲請旌

武承甫交城人給諫攀龍之祖父也賦性醇和樂善不倦幼失怙孝於母友於兄弟周恤閭里待以舉火者甚衆歲凶出錢粟以濟貧生平樂易慈良不以睚眦相校邑人賢之從祀鄉賢

應祥文水人兄弟同爨五十載子國魁孫調鼎胥魁於鄉鄭浩文水人親老家貧力養二十年如一日傭工於外二

親繼歿哀號奔喪廬墓側焉

曹天平文水人分產俱讓諸弟弟以賈歿於外營柩歸葬諸姪幼俱教養婚娶輸助學田屍骸無主者掩埋之鄉里慕其義

陳所思文水庠生仗義疎財每集諸子戒曰爲子孝爲臣忠乃不愧聖賢不辱祖宗爾輩其勿忘予訓後次子三接登進士年八十九

張法祖文水人拾還遺金有司旌其義

王璵文水人性沉摯寡言笑四歲喪父一弟纔襁褓八歲復喪母辟踊哀泣如成人撫於叔康熙丙子領鄉薦尋弟與其婦俱卒璵哭之哀撫其二子旣授室復相繼歿璵撫膺曰吾弟卒吾延息以字厥子庶幾成立以慰吾

太原府志

卷三十七 孝義

三

弟亦以報吾父母而天顧不祿吾何望哉其孝友若此王侯度璵長子沉敏好義至性尤類其父隨父謁選赴京朝夕不去側父病卒扶襯還里每午夜作兒啼行路爲之感泣邑數被水患度父曾創建義學至是被決泣曰田舍何害斯學吾父手建吾不忍坐廢漲退鳩工落成之度弟卒遺二子長鍾文十歲餘次鍾健纔九歲飲食教誨比於已子二十年無倦色鍾文以拔貢官知縣鍾健官翰林者皆度力也

王侯慶璵次子性孝謹父卒於京邸慶家居聞訃痛不欲生柩至與兄號泣苦次淚盡繼之以血遂成悸疾及遭母喪病大作遂卒

嚴沼文水廩生事親色養備至施藥濟人全活甚衆人有

稱貸不能償者悉焚其券

胡純文水人九歲喪父事母克盡孝道因兄少多病遂習岐黃遇貧者施藥以濟全活甚衆

胡緝文水庠生性孝友兄歿教養諸姪無異已子

趙成屏文水人性孝友父歿撫幼弟成立頻遭險皆無傷人以爲忠厚之報

劉士俊文水庠生事繼母盡孝能得歡心和睦鄉鄰人無間言

麻邦錦文水人父病奉湯藥數月不懈比歿居喪盡禮兄弟友愛有萬石家風焉

竄宏懿文水人輕財好施人有負債不能償者悉取券焚之鄉黨重其義

太原府志

卷三十七 孝義

三

梁進賢文水人樂善好施捐金捨藥出粟濟貧人咸感之陳六吉文水人幼孤好讀書喜施濟康熙五十九年大荒出粟拯饑濟人甚衆

張定元文水人樂善好施人有借貸百緡者貧不能償鬻女爲妾元聞之卽召其人焚其券常於通衢施茶以濟行人

高本辰文水人篤於至性撫兄子三人如已出姪容少孤得成進士皆本辰教育之力也

邸萃然嵐縣人順治六年雲晉叛萃帶領兵民擒獲僞官繕備城守與嵐二縣賴以安

邸挺然嵐縣人順治九年邑饑施金粟賑之又捨義塚三處收埋無主骸骨鄉里感頌

牛檜嵐縣人樂善不倦建修神廟俱有碑碣

劉光旭嵐縣歲貢父早喪母邱氏撫孤成立母病百藥罔效光旭割股以進母病遂愈

李大盛嵐縣人家貧糠覈自饜事父母膳必備父病篤割股和羹父食羹病寢愈

牛名士嵐縣人事父母曲盡孝養逮歿哀毀骨立殯葬盡禮同妻謝氏以雙孝旌之

甄於廷興縣人兄懷廷與邑豪趙姓隙順治元年趙率黨數百人猝至鄉人閉堡門以守趙督衆攻曰第縛懷廷來當解圍去懷廷奮曰奈何以一人而害數百家請就縛於廷請代懷廷不聽兄弟相爭久之鄉人胥感泣不得已縛於廷下趙執視曰非也於廷慟哭言狀趙亦感

太原府志

卷三十七 孝義

十四

動率衆徑去

孫天繡興縣人少豪邁嘗言道在人倫功在日用識者以爲確論歲旱出蓄米減價糶之不足請於官祈兵米平糶而以其價予兵市估以平

郭茂興縣人事繼母能得歡心居喪哀毀盡禮伯父亡所遺諸孤茂撫之成立且爲人解忿息爭鄉里重之

康貯民興縣人家貧母早歿弟殘疾父繼娶別居父病謂民曰汝多智吾不汝慮汝弟愚且疾難存活民流涕曰當竭力撫之設能致產必與均焉父卒乃迎繼母與弟同纓服賈致富爲弟娶婦生四子撫如已出繼母亦忘其非已出也民年八十其弟先亡乃召弟婦及諸姪曰吾父有命吾將日暮見先人於地下一物不均是欺父



也悉分給之

王珽興縣庠生父遭冤抑珽兄弟三人皆孩幼母孫氏忍死撫之及長同弟瓚上白其狀父冤始雪珽少魁岸有氣節時流賊徧縣珽甫十餘歲單騎往來偵探賊情而不罹於害及歸母以輕身試賊痛責之遂折節讀書髮垂白猶跪受母教母歿哀毀盡禮

孫承緒興縣歲貢凡殘疾無歸者收養之死給棺木與地而葬之窰房任民居未嘗取值凡佃地者不立約曰償與不償聽自便也與人交易價如數與之物必取其贏敗者曰此人所棄也吾不取則售者苦矣人感愧多還其餘值城北紫溝村有請緒闔地界者至觀之卽於已地退數尺立石曰以此爲界地隣愧曰吾何以獨爲小

太原府志

卷三十七 孝義

三十五

人自取石置舊界晚年人益服其德不忍與之爭

孫振基興縣人隣邑高姓者遇難無依養之十餘年終始無懈有里人婢遺金珠滿篋基拾之候於其處卒還婢王建極興縣人家貧廢學父母卒哀毀盡禮質於陝致千金攜其半歸養其兄衣食共之兄無嗣爲撫義子以其半予弟曰羸以歸汝後弟亦致富以原貲還極極笑曰吾不卽盡予汝者恐汝爲已有而蕩之旣羸矣予不欲毫有所取以違初心由是兄弟之子皆得成立

康若璉興縣庠生性孝友年十五遭父喪哀毀成禮三兄繼歿遺孀白氏賀氏家益窘事寡嫂如母撫諸姪如子同爨數十年嫂得完其志而姪皆成立伯兄之子瞽目無養贍以已子所分地讓之鄉里咸欽其德義

王君寵興縣庠生博記多聞慷慨喜施助凡親黨有求輒應隣邑張姓者質於興負本不得歸寵于三十金不責報也康熙六十年歲歉流民載道日持錢出路賙之男女路處者僦居之減價糶米多所全活

賀聖時興縣人性孝友十餘歲時母病篤父亦病時左右奉養侍母憂甚及徃父所則變爲怡容母卒哀毀父止之輒止獨居未嘗不涕泣父繼娶先後所出六人時事繼母撫諸弟恩誼備至及父卒時爲諸弟延師拮据萬狀後兩弟相繼故時感傷成病卒

劉祖乙興縣人少孝謹年十五母卒事繼母孝敬彌篤撫諸弟飲食教誨父卒哀毀盡禮以其饒產讓諸弟鄉里稱之

太原府志

卷三十七 孝義

三

劉妙尙興縣人慷慨好施與雍正丙子大饑盡出藏粟以賑族人或曰獨不爲家計乎妙曰吾力恨不能盡濟鄉人卽吾族不給寧同斃耳乾隆丁巳又饑丙子遭霜皆計口均給不足稱貸以濟旣老病且革謂子維煥曰吾族人貧歲終徃糧不可緩當代納之至後歲以爲常邑令旌之

王存益興縣人樂善好施人有急難求無不濟鄉里皆賴之事父色養備至父患癱時益已六十餘矣湯藥起居必親扶持衣不解帶者數年人稱其篤孝云

呂立德興縣人直樸有智畧少赤貧販木河東逆旅得金一囊守而還之又見夫婦號哭而婦投河者詢之夫貧鬻婦卽傾囊贖且賙之性篤孝善事繼母父卒事兄甚

恭兄卒其子蕩產  
弟出一篋示之曰  
能改分與之不改  
孫赴興縣人澗達伏  
墾荒田力致饒益  
三老客有攫牛馬  
以金畱所攫訪其  
百里無不敬三老

將盡德出千金與之又將盡德名其  
此吾爲而兄贖產約也毋令而兄知  
卽獨與若吾不忍吾兄後窮餓也  
義少貧隨父居合查山之陽廣畜牧  
四方貧困者悉濟之赴行三人稱爲  
者過三老亦不諱赴好爲教誡或予  
主還之客不怨主亦不疑隣邑方數  
者